


國家圖書館善本金石組 編

【北京圖書館出版社】

LE DAISHI HUJIBIAN  
SHILIAO

# 歷代石刻史料彙編



國家圖書館善本金石組編

# 歷代石刻史料彙編

北京圖書館出版社



彭泰來子大編

元

燕京朱國寶宣授管軍萬戶同知廣南西道宣慰司事  
鎮守肇德封梧四郡提兵駐此時至元己卯仲春吉日  
題 教授尹甲書

右朱國寶題名正書元史本傳其先徐州人後徙  
寶坻至元十四年進秩萬戶鎮守梧州領安撫司  
事十五年加懷遠大將軍十六年遷定遠大將軍  
前此海南道宣慰使不言同知廣南西道宣慰地

高要金石略卷四

理志廣南西道宣慰司定肇慶意即國寶己卯十  
六年也傳又云臨安之破張世傑挾二王由閩蹈  
海時南恩新州何華張翼舉兵興復國寶選精銳  
擊殺之降其民三萬餘戶此十五年事府志事紀  
不載

巖臺形勝若蓬瀛玉立奇峰號七星一片波光連樹碧  
西圍山色抱松青錦帆隱隱來幽浦白鷺翩翩下遠汀  
爲愛洞中儂景好月明三鼓酒初醒 大中大夫同知  
廣南西道宣慰司事燕山王口題 承事郎肇慶路總  
管府判官陳元口從事郎肇慶路總管府經歷孟鑿立

(清) 彭泰來撰

高要金石略

清刻本

詩刻不著年代攷元史地理志前至元十六年廣

南西道宣慰司定肇慶因緣廣西十七年仍屬廣

東此詩廣南西道宣慰司王□題肇慶路總管府

判官經歷爲之立石則肇慶是時未屬廣東可知

矣故疑爲十六年刻阮氏通志

右王宣慰詩行書

驃騎衛上將軍廣東道宣慰使准右梁雄飛明威將軍

管軍萬戶溫陵王與公幹寓此偕寮屬游宴而歸時至

元庚辰菊節題

右梁雄飛題名正書

高要金石略卷四

大然石室壯端州非假缺三四點星無晝夜幾千缺但

知山月江風好不覺缺直上斗魁臺上望乾坤缺至元

癸未上巳縉山辛缺天文地理本相通象緯缺角左

諸山皆拱北面前缺匡碑畫裏懷周子石室缺臺在魁

杓最高處通明缺眉山李樸陪縉山遊一缺

右縉山李樸二詩正書下段爲明涂相詩磨去

至元乙酉日長至承務郎肇慶路總管府判官嚴居上

正甫奉訓大夫肇慶路總管府治中黃澤潤甫武德將

軍同知肇慶路總管府事張旺興甫公餘來觀精爽頌

豁石竇自室天梯可階古端勝概也乃鐫此以紀曾遊

右嚴居貞題名正書元史地理志至元十七年改

肇慶爲下路總管府百官志至元二十年定十萬

戶之上者爲上路十萬戶之下者爲下路當衝要

者雖不及十萬戶亦爲上路下路不置治中員而

同知如治中之秩此刻乙酉爲二十二年有肇慶

治中豈二十年定制時以衝要改上路耶

燕京月忽乃以中順大夫柳州路總管府達魯花赤易

守是邦公餘率僚屬來觀一竅通明萬象呈露勝境也

故鐫此以紀曾遊皆至元戊子修禊前一日

右月忽乃題名正書壓刻宋劉梅溪德政碑上達

高要金石略卷四

魯花赤王圻謂國語荷包壓口蓋取管轄之義今

元史作達魯噶齊乃經一國朝改譯刊定解謂掌

印官

提刑按察華峰張顯祖子正 信馬崎嶇細路通山圍

四面錦屏風一區仙境蓬萊島七點星巖兜率宮江水

朝東京大海崧臺拱北插高穹他年擬赴蟠桃會王母

頻斟醉此中 至元戊子冬月朔

右張顯祖詩行書

七星峰頂聳蒼穹德境塵寰迥不同龍殿巖前珠滴瀝

斗魁臺上玉玲瓏長生石髓藏山鍊煉性丹砂閉井中

雲路一朝令我識銖衣作翼便乘風 至元己丑十一月  
王顯德澤卿

木王顯德詩正書

此郡巖分上下中七星奇觀更稱雄似聞石燕靈根出  
疑與鯁魚別穴通池上飛僊騎北斗山閒過客操南風  
深陵高谷知何限獨立斜陽口良窮又賦誰鑿混沌竅  
中為輕清天剛風運鼇背弱水噓龍涎靈草能延壽魁  
臺可揖僊元公知命者曾此石厓鑄至元庚寅上元廬  
陵文溪文壁

文壁天祥之弟在宋為惠州守見粵大記趙必璩

高要金石略卷四

傳 阮氏  
通志

右文壁詩正書斜陽下阮志作哭路審勅文不類  
以上十刻在石室大巖

奉訓大夫肇慶路總管府達魯花赤古汴宋壽玉景福  
昭勇大將軍肇慶路總管兼府尹廬山燕宗龍叔亨暨  
文武僚案來游是日也天高氣清人物咸悅星巖綉采  
僉謂巖瞻之佳兆也至元庚辰菊月題

元有兩至元庚辰世祖十七年順帝六年考元史

百官志至元二十年天下路府置達魯花赤一員

此刻稱肇慶路達魯花赤則為順帝時刻矣  
阮氏通志

右宋壽玉題名正書按元史至元二十年二月甲  
子以蒙古人充各路達魯噶齊漢人充總管回  
人充同知永為定制此刻稱古汴宋壽玉則中原  
人豈偶然破格乎

將仕左郎肇慶路總管府知事張居政端甫癸未菊節  
遊此書以記之

右張居政題名正書世祖至元二十年順帝至正  
三年皆次癸未按元史百官志諸路推官經歷知  
事皆至元二十三年始置則題名為至正刻阮氏  
通志列前至元諸刻中誤也左志作佐以相通字  
釋之非本文以上二刻在石室大巖

高要金石略卷四

廣東廉訪僉事周驥宣慰副使刺思八朶兒只都事孫  
恒憲史木八刺彭翰帥史陳良貴至正九年十一月十  
有五日到至此 端庠諸生李明書丹

右周驥題名八分書在石峒憲史下似木字闕末  
筆非才字也端庠一行正書特漫滅阮氏通志所  
錄佚之

古端兩邑三四年來為獠寇突境日以殺戮掠賣為事  
鄉民苦不忍言己丑冬杪東平路恩州楊廷璧字君璋  
以昭勇大將軍廣西道宣慰使奉省檄督師而來庚寅

上元日卽破賊矣端民均拜更生鐫此以紀實云時庚寅仲夏晦前一日

案七星巖志載此刻突境作窺境字君璋作李君

璋卽破賊矣作卽破賊焉皆視之未審爾僚寇卽

孫寇蔣丙庚寅至正十年也

阮氏通志

右楊廷璧平寇記正書在石室大巖

段松苓著錄

金勅賜福勝院碑陽

勅賜福勝之院 額行書字徑二寸五分

尙書禮部牒 行書字徑二寸

益都府錄事司圓普院口惠進見管益都縣第十五都鄧村

院卽來並無名額今送納訖合着錢數乞立院名今照驗得

實須合給賜者 申文二行正書字徑四分

條奉

勅可特賜福勝院條逐准

益都金石記 卷三

勅故牒 牒文十五字行書字徑二寸

大定肆年 日令吏回昇 主事口口 紀年正書字徑四分用印在日字上

大印方二寸二分字模糊不能甚了辨之乃迥非近時印上之篆法

奉直大夫行太常博士權員外郎劉

中憲大夫行員外郎李

宣威將軍郎中耶律 臣

侍 郎書銜四行正書字徑二寸耶律有押侍郎闕姓

中奉大夫禮部尙書兼翰林學士承旨知制誥脩國史王 書銜一行

用宋板書字微帶篆法字寬二寸三分扁甚如今官府所用刻板頭銜

右碑在城西三十七里福勝院分兩層前乃上層牒文鄧村

(清) 段松苓撰

益都金石記

清光緒九年刻本

院雖遠自唐初有名額實自大定始金百官志諸府節鎮設  
錄事司錄事一員正八品掌平理獄訟警察別部未言管境  
內寺院此錄事司直申禮部乞牒且云合着錢數可補史之  
闕文又按大定四年爲禮部尙書者乃王競也其書銜正與  
本傳合

住山庵主口惠口院主任持尼惠進與師徒童行李福聚  
袁福海 張福超

南鄧村後生社於大定十六年正月十九日抄化木植三月初  
八日翻蓋重立佛殿壹坐 進議校尉社官都維那楊澄 進

議校尉維那王用 進議校尉維那李升 進議校尉維那張

益都金石記 卷三

德 進議校尉維那高善 進議校尉維那唐清 維那延友

都社首龔佛殿維那趙通 維那季進 維那趙思 維那

小李情 維那向辛 維那邵德 維那李德 維那史祐

維那趙進 維那周口 維那李口 維那口全 大定十六

年

同住尼善全 師姪尼善泉 善聰 善安 善眞 善慶

善寧 善口 師孫尼永源永福

右下層字徑五分行書頗飛動前後尼名差小書法亦不一

手按金史百官志禮部尙書三年遣官試僧尼通經者以度

之所試者名僧童尼童故此云童行也牒係大定四年頒此

云十六年并碑陰各年號皆係追刻或借刻也南鄧村見北  
齊書碑通高四尺寬二尺二寸在佛殿前進議校尉九品下  
階作議參

金福勝院碑陰

維南贍部洲大金國山東東路益都府益都縣南鄧村後生社  
砌建長安嶺福勝院三門并玉皇殿聖像全佛殿於天會六年  
八月日呂剡獨建 齊王殿聖像全 都維那社官楊口副都  
維那向口維那胡了百延友維那元發心建三門趙通維那李  
升維那趙口維那呂琳 維那李千維那張口維那高善維那  
李德位京呂宣張琳王用唐清楊岳劉太趙德李經張誠李進

益都金石記 卷三

趙吉向通李清信成趙思邨政孔口邨德趙進向漢藍清史祐

趙聚王德李政車亨莊進 三門十口年十二月日建 玉皇

殿皇統七年三月日建 齊王殿正隆三年三月日建 砌拾

王卧幡幘都維那趙通妻維那齊氏維那趙思妻李氏維那李

德妻臧氏 大定九年三月日立石 石匠鍾穩木匠口口

右福勝院碑陰字徑五分行書書法不佳且無文理齊王亦

不知爲何神年號參差想或追書或借刻也幘乃俗書之尤

者

金雲門山阿魯歡等題名

秋七月初六日同游口山登覽既久遂刻姓名于石亭尤魯阿



魯歡懷遠大將軍山東東西路統軍都監同知益都尹兼兵馬都口口

永安張子衍中順大夫前口口口口

渾源雷志奉政大夫山東口口口口

諸甲春明威將軍山東口口口口

完顏漸廣威將軍口口口口

口口口山東武口口口

口口口益都口口口

大定十八年雷志題

右題名在雲門山陽洞南額下字徑寸餘書銜字徑六七分

正書按阿魯歡意即金史之李朮魯阿魯罕阿魯罕由吏部

侍郎除山東統軍都監適當其時且益都府置山東東西路

益都金石記

卷三

統軍司始於大定八年本傳不言其判府事者略之也中州

集學易先生雷思渾源人弟志字尚仲亦第進士仕至永定

軍節度使朮甲為猛安甲族春以朮為諸蓋以漢書譯國語

原無定字是以有歡罕朮請之殊

金任君謨表海亭詩殘碑

表海亭詩南缺

營邱最高隅表缺

兩城相對起一缺

人家林壑間缺

一上一增懷青缺

南麓老人天下奇才也世人止以能書見稱謂當為本朝第一

然誠云確論而尚不知先生所能者多矣又豈止筆札而已哉

法固以忠貞臨政以清白至於騎射驍勇音律琴瑟丹青藝巧

靡所不缺翰墨皆所以大過人者非天下之奇才其孰能與於

此東坡嘗謂詩至于杜子美缺可以畢天下之能事不其偉歟

噫坡公仙去久矣若使見先生全才如此其許可豈缺

石殘詩碑舊在西門外菜園中覆叢柏下為灌園者度閤飲

食具乾隆庚戌武功張蔭堂先生重修三賢祠余屬之移於

歐陽文忠公祠陋諸北壁蓋因詩為表海亭作也碑缺下截

餘者長三尺一寸寬亦如之詩之字徑四寸行僅餘六字是

益都金石記

卷三

五言古四韻也筆法雄偉頗類米南宮題之字徑七八分亦

自秀逸可愛中多譽詞似他人跋其詩者詩與題俱正書悉

逸去姓名年代僅可想見為南麓老人之作待訪數年迄無

知者今細釋之始知為任君謨詩碑也齊乘曰表海亭在府

城北南陽橋北惟古臺存焉取左傳世昨太公以表東海為

名不知創于何代自歐陽文忠公知青州已有詩近代任君

謨詩有石刻兵後不存有錄之者竝載于後蓋于公齊乘總

序有所謂志聞者在當時曾錄其詩今本實無是門也然據

所云表海亭之有詩刻惟歐公與君謨歐公之詩備載縣志

題且云後坡公甚遠此詩應屬君謨已可徵矣况君謨金史

文藝列傳曰任詢字君謨易州軍市人父貴有才幹善畫喜

談兵宣政間遊江浙詢生于處州為人慷慨多大節書為當

時第一畫亦入妙品評者謂書高于畫畫高于詩詩高于文

然王庭筠獨以其才具許之登正隆二年進士第歷益都

勾判官北京鹽使年六十四致仕優游鄉里家藏法書名畫

數百軸年七十卒此題亦謂書法稱為本朝第一又謂其善

丹青藝巧句句與本傳合二書并題考之此殘詩刻捨君

謨而誰屬但史未書其別號為南麓耳至于題跋之人則實

無從考矣嗚呼于公于五百餘年之前會不得一觀其碑而

今忽觀其半面而考訂之抑亦任君之幸耶南麓二字見於中州集且言其

益都金石記

卷三

詩平生數千首歿後皆散失今所錄皆得於傳聞共載詩九首亦無青州表海亭詩

金郭將軍神道碑

大金故奉國上將軍郭公神道碑額

大金故奉國上將軍臨潢路兵馬都總管判字郡開國侯食

邑一千戶食實封壹伯戶致仕郭公神道碑 奉直大夫山東

東路轉運都勾判官曉騎字任詢撰並書 承務郎應奉翰

林文字同知制誥兼字修官武騎尉賜緋魚袋懷英篆

公諱建義州宏政人幼而穎毅長而剛明字不為人制天

會二季王師南伐徵鄉邑良家子公預選首為千戶以主之伐

字與遼常勝軍戰勝於白溝士氣振奮合併大軍下燕雲越

濁河定南汴四章字東路諸將攻鉅鹿公率眾先登潰其圍

壘六公由是氣壓諸將六年收開濶字刺過江涉淮收壽

春濠和州八季下真揚通泰帥府先後功賞以議官爵字大

夫持節宥州諸軍事十三年留公屯守淮陽會韓世忠兵攻城

東南隅字軍引退天眷開公與宋人戰所向無前累獲勝捷

賞亦懋焉皇統二年換字奉國上將軍國家以仁義之師奉

辭伐罪宣威靖亂所以誥誅暴慢奮字者也撫定之久不忘

人功凡從軍有勞者授以親民職任五重以公為字吏畏民

愛故掖縣令珥訟息姦隣境敬服知會川城秩滿改費縣令字

守為賊所害公攝州事為守禦之計軍無侵擾民賴生活新

益都金石記

卷三

守到官字徐義以取五千夜攻城北門公引勇敢及家僅僅

三百人潛出東字境內安帖考滿同刺嵩州通守濰州又除

臨潢府總帳始公至青社字富且得人譽因卜居焉臨潢守

官未幾乞身歸老始終之節亦足稱字師泊皆隱晦不仕考

英才以公資贈宣武將軍妣賈氏贈汾陽魏太字氏並封汾

陽魏夫人男七人伯祥不仕伯傑忠勇昌邑縣酒監伯元字

先公卒伯仁修武韓城鎮監口震魏貢進士亦先公卒伯義伯

信並舉字適南公雲次適顯武齊琬次適詢之子中道孫男

九人女六人曾孫男三人字公體貌魁偉美鬚髯猿臂龍駁

天姿挺特內韞忠鯁居正不撓平時不飲酒字當高燕出帷

房之寵樂舞畢陳以永終日或繼之以夜聞語人曰子年少尙

字五 洪軍賴社稷之福戰必勝攻必取祿仕及親而逮下今既

老矣得請而歸人字四 樂胡爲大定十八年閏六月二十八日

以疾終于家享年八十有二以廿年冬字五 擇地葬于益都縣

青邱鄉之潘村以余預姻親之故采請碑銘以傳不朽銘曰字三

字 樂遠有諸有桓桓我師震覺群醜須得英雄成濟其美賢哉

郭君起家茲始白字四 心奮振既合我師燕雲底定越河取汴

風卷東雲鉅鹿推守勢溢吾軍渡江字四 眞揚戰勝攻取夫誰

敢當師不宿老民厭兵久第續酬功俾安其守四宰二同字四

德政寬仁懷良珍惡遂請歸來白首安佚賓朋燕樂聊以永日

益都金石記

卷三

榮身官邑及親逮字三 之福有足嘉者青邱之陽安若故紀子

孫保之允矣不忘 大定廿三年冬字四 日伯仁立石

右碑在城東二十五里黃家樓西田闕碑久已仆斷爲三段

中段不知何時亡去然以意會之文尙可讀碑高約八尺寬

三尺三寸字前後各十六行前每行三十三字後每行三十

四字字徑二寸書法與表海亭詩一手而精神過之信君謨

眞蹟也郭建不見於史太宗本紀天會四年八月詔有司揀

閱善射勇健之士以備宋十二月宗望諸軍定燕山所揀閱

之士卽碑內二年所徵鄉邑良家子可知矣其餘征戰之事

多與史合又宋史韓世忠傳世忠屯淮陽會山東兵拒敵粘

罕問世忠扼淮陽乃分兵萬人趨揚州自以大軍迎世忠戰

世忠不敵夜引歸碑內十三年開公守淮陽以抗世忠必此

時事也臨潢府地名西樓卽遼之上京金屬北京路地有金

粟河故名任詢詳見表海亭詩殘刻賴此碑知其子名中道

党懷英亦列文藝傳字世傑宋太尉進十一代孫馮翊人大

定十年中進士第調莒州軍事判官累除汝陰縣尹國史院

編修官應奉翰林文字翰林待制兼同修國史能屬文工篆

籀當時稱爲第一學者今觀其篆額良不誣也建起戎行致

身通顯富貴壽考且子孫蕃盛事屬生人所幸有抑鋒鏑之

下不濫殺有陰德以致之者與青邱鄉今不復有其名內年

益都金石記

卷三

字或作季或作羣或作重刺作刺辭亂从甬改作攷狀譚婦

功等字皆異文也

金福勝院建石塔記

維大金山東路益都府益都縣禮讓鄉長安嶺福勝院口口

社眾重修殿宇院內有塔五級其石破碎微見些小古跡與正

殿大殿不相遂各其卑意剏建塔兩所口口九級所有元聖像

尼趙慈并施主等化銀錄於東塔之上今具檀越施主於後

化主等 趙慶 劉清 呂八 呂大公 呂十七

明昌五年三月 日建

右塔在城西三十七里福勝院塔之高大與景龍石塔等在

佛殿迤西院後有小阜今人不知其名賴此知爲長安嶺詳其文似因舊塔圯重建而復立此塔也塔八面字凡三面次面人名沒滅又一面第誌歲月字徑五分行書峯乃俗舉字

### 金雲門山夾谷璋等題名

時孟春初吉退食之暇奉政大夫益都口尹兼山東東路兵馬副都總管夾谷璋暨同僚武義將軍山東東路兵馬都總管判官景仁中議大夫益都府判官趙璧口德郎山東東路轉運戶籍判官郭口承務郎益都府錄事完顏仲良懷遠大將軍益都縣令允甲良弼將仕郎益都縣主簿完顏君佐明威將軍益都縣尉完顏口用忠勇校尉山東路統軍司譯書完顏禮詳山

### 益都金石記

#### 卷三

東路統軍司令史尤魯回長安意在班眷因共登此山是日也天晴氣煦頗稱登覽徜徉談笑飛觴舉白興盡廻歸卽翠琰以刻其事時大金泰和四撰歲在子千屬閏逢口月八日謹誌

右題名在雲門山陰洞額北向正書字徑二寸書法鬆秀技夾谷乃女真甲族原爲加古後寫爲夾谷金史譯國語曰全列傳夾谷氏八人而獨不及璋泰和乃寧宗末造史稱時爲小康故璋得僚佐相款洽如此然未幾有伐宋之師揚安兒起益都遂多事矣

### 金東嶽行宮碑

口修東嶽行宮之記 余嘗聞人賴神所祐神依人而行人不

賴神福從何來神不依人主將孰爲故孔子聖人以敬神而謂之智夏氏末世以慢神而速厥辜由是言之則知神明之尊敬而不可口也敬神者何不過乎新其殿宇嚴其廟貌奉其香火而已若殿宇弗存則廟貌弗能立廟貌弗立則香火之奉無所歸也今夫口岳元之孫物之始宗口嶽君百神職司人命而生之死之鑒察人爲而禍之福之故凡戴天履地含口口口者敢不敬乎昔自皇降而帝帝降而王王道廢霸圖興迺及于茲不啻百千萬載有國有家口莫不立廟立口而崇奉之或遣使降香或祝辭昭告或講登封之事或修望秩之儀所行之禮雖殊敬神之心一也本府舊有東嶽行宮以其荐經兵革掃地無餘

### 益都金石記

#### 卷三

所謂火災昆岡玉石俱焚也良可悲夫然而事物之理興廢無常口神明之居安能歷久而絕滅之是以灰燼未冷輒復修而崇口之其創口者迺口口也斯人口財好施素有敬神之心適因城破迹陷驅虜于戈之亦祐鼎之口心常戰慄恐不免爲他鄉之鬼耳乃以手加額仰天而祝曰口身若得生還願修口口大殿忽一日所部之長釋而遣之彼旣遂願乃能不負初心輒爲倡率經營締構內罄己資外求助歲箭未更口茲大殿時則有邦人張立者每恨生不遇口口口喪亂遂發洪願值有善事願畢力爲之觀此興造欣口就役力不憚勞功不計口朝夕於斯至終乃已故在戊口知府元帥王君來殿是邦寬明

果斷吏民口口賊止息臨泣之餘樂于爲善謹于奉神每遇旦  
望禮口口廟因至口口軒陛之口口其影殿未就宮寢露淺遂  
鳩工聚財經之營之軌軌大廈不日成之斯足使神君肅肅愈  
顯其尊崇也噫青社一方自上而下崇敬神明協力興口口勝  
記耶今余所稱者但取其爲最者爾余以謂凡爲善事非難亦  
非易顧時勢之如何口口若夫天口太平四海治一風雨調順歲  
穀豐登國家府庫充實人口口口口口當此之時斲就瓊樓玉  
殿構成貝闕珠宮亦不足多也今則口口口口戎馬爭口口帑藏  
空虛之日人民飢饉之時仰事俯畜且猶不給乃能殫財竭力  
以口口明不亦難乎其可取者蓋以此也青人耆舊禱余爲

益都金石記 卷三

記余謝之曰小生口口口口口口學淺陋加之久廢口口視若強爲  
之恐書石刻必爲識者笑罵誠不敢當此口口室之邑必有忠  
信矧雄藩巨府能文之士爲不少矣公等益往求焉眾中口口  
張三老與余有一日雅口口而言日子旣爲教授卽翰墨之職  
也託以爲文復何口口辭不獲已因據實而述之非敢言文也歲  
次庚寅正月上日權益都府教授王大任記 鄉貢進士口口  
口口 郡人布衣王守中篆額 宣武將軍益都府軍民口口  
口口壽光縣尉劉誠口口 武節將軍益都縣尉提控楊一與 武  
節將軍權益縣主簿趙道口口 武節將軍益都府錄事判官權  
司呼延進 信武將軍益都縣令都提控馮亨 懷遠大將軍

元帥左都監權益都府總府判行省委差張樞 口威將軍山  
東尚書六部郎中和葳 奉國上將軍同知益都府事本路兵  
馬都總管元帥權益州事劉佺 權府都總管元帥王口

右碑在城內東嶽廟中高五尺五寸闊二尺四寸正書字徑  
五分書法端楷文出於荒僉之手碑不書朝代但曰庚寅李  
南湖謂以官制考之知爲金碑按青州惟金爲益都府元則  
稱益都路矣旣曰益都府卽可定爲金碑固不獨以官制也  
金有兩庚寅一爲世宗大定十年一爲哀宗正大七年據碑  
戎馬爭馳帑藏空虛等語乃國勢愈蹙之時知爲正大庚寅  
無疑問某因城破迹陷驅虜蓋指李全父子也問乃俗間字

益都金石記 卷三

氏此者往往以問爲正字抑知作偏不自今日始書銜自小  
而大又金石之變例

金東嶽廟碑陰

缺 靈聖帝 缺 佑聖眞君 缺 官塑 缺 炳口王崔口管 缺 匠三 缺 施  
大門壹券魏路鈐施大柱二条郭路鈐施大柱四条周路分施  
大 缺 王口使施標 缺 邱文使施 缺 獨管應用針錄張安撫路姑  
施錢一伯貫銀一兩半金二公施錢三伯貫唐二公 缺 銀張口  
中 缺 半足 缺 帥施絹半疋郭元帥施絹半疋叢提控施絹半疋  
楊千戶施絹半疋南門坊合社施石灰 缺 董佺 缺 王必 缺 磨官  
蔣公提控 缺 司令史蓋 缺 文約型 缺 等姓名于后塔院路分龕

四公等社缺 旣門外庄等李缺 董五鄒序臨胸缺 樂安郭缺 等

孫貴李琪唐啟劉復安施大梁二缺 錄事司司吏王口施銀缺

李舟壽光醫缺 事施小麥一石醫正劉口施錢五口貫口半兩

缺 櫛二十条椽五十對東門外缺 李口施簷梁一条胭脂孟施

銀半兩劉氏施銀半兩于氏施銀半兩

右東嶽廟碑陰字畫大小與陽同共十三行剝蝕太甚可辨

者僅十之三四耳大抵皆記同事姓名及所施物料錢貨數

目下數行係大朝借刻此石者

### 元東嶽廟碑陰

昔大朝壬寅年六月十六日重建中門樓字差大 口口鄉口口

益都金石記 **卷三**

寄居臨胸縣南流村木匠總領劉道同妻顧氏全口口木口口

成造 劉昶 口口府南田縣侯村寨本府寄居劉興同妻子

氏施中門樹木紅門二合謹記 鼎革之間救活廟戶張平恩

人大百戶救活張平妻阿周恩人肖五官人係臨胸七里庄字差

右書借刻於金重修東嶽廟碑陰後字大者徑六分小者徑

五分大朝者蒙古未建國號之稱也即恬然子碑有中統年

號可證碑陽刻於金正大庚寅此云鼎革之間知為蒙古太

宗后乃馬真氏稱制之元年去前刻裁十二年耳南田縣金

元志俱不可考

### 元恬然子祠碑

崇真大師靈祠之記額正書

崇真大師靈祠記 先生姓周諱慶安道號恬然子濟南人也

其家富貴軒冕束帶而立於朝者代不乏人矣公其宿有道骨

仙風穎悟生死一遇玉陽仙師頓開世網豁達靈明眠雲臥月

咀芝嚼蘭信其真物外人也是時門弟追數百輩先生立不教

坐不議虛心而往實腹而歸及其八十有五欲遺物離人之際

故談笑示取棄世頌畢曲眠左紘翛然返真神遊八紘之外矣

門下弟子念師訓誨之德庶幾張大其功特建靈祠慕伸其懇

欲香火不斷於四時奠恭奉無忘於一念俾後之學者春秋之

益都金石記 **卷三**

祭瞻彼白雲臨風拜奠口茲素節以勵其志知觀江志海謁予

以話其事遂援筆而書之以紀歲月爾古邠進由王麟記 大

朝中統二年九月二十一日口觀妙大師江志海立石字差

世頌曰八十五載紅塵斷返御白雲深處歸性體虛空同壽筭

風鄰月伴樂希夷 師五月十三日降十一月二十九日昇

右碑在城東北三十里徐家集田間東向石高四尺五寸濶

二尺三寸字徑一寸額字徑二寸五分皆正書書有唐人法

文亦雅淨不為濫譽按蒙古有年號起於中統故前此嶽廟

碑陰第云大朝壬寅也元初邱長春輩方倡教於山左黃冠

之徒誅茅相望故恬然子亦至弟子百餘而長春獨能一言

止世祖之殺安在羽流無神於世運耶歷城志謂生諱安道據碑安字上隱然有字模糊似慶字則道字屬下無疑矣南潤云碑末書師降昇月日蓋其徒厭記其生日忌日而祭祀之耳羽流之於其師尙如此矣內云門下弟子念師訓誨之德庶幾張大其功特建靈祠則周生非必有道者也

### 元李氏遷祖之碑

李氏遷祖之碑 宣授益都路提舉學校官淄川楊宏道撰  
益都路府學正海岱趙時中書丹 宣授承事郎樞密院經歷  
瑩邱張筠篆額

人之所居爲鄉所居之世既久則謂之故里人之所葬爲墳所  
蓋都金石記

### 卷三

葬之世既久則謂之先塋鄉里之久安也口屬姻戚師長朋儕飲食宴饗歲時往來得其生之樂也塋域之已定也樹林行列碑誌建立布置器皿馨香得其祭之時也三者之得遭其泰之時而然也若乃辭其先塋去其故里姻親朋友離隔失其生之樂也或西而東或南而北神情鬱悒旅寓荒涼失其祭之時也二者之失遭其否之時而然也李伯善字長卿河南下邑人也父諱辛遷青社三十年矣嘗獲用於公家伯善生於遷所俛從師府學亦嘗獲用公家祖母口卒乃殯於府城之北夫泰極則否否而屯屯而革革則泰來遷者得歸顧新居成趣而口無以歸也祖父殯於縣城東南父欲取之而老病不能故伯善

代往二叔父在難之伯善曰遙口口禮情所未安青社近山地高宜葬下邑近河地卑不宜葬余曰伯善之言爲然蓋余家淄川曾過下邑口山乘船赴之時潦水既澄高樹梢出水如天面之堆雲人家之墓皆沒於水底由二地以葬事言口口爲人計年時猶曰可遷况今日乎伯善以誠告而二叔許之曰若立碑碑之銘辭亦欲刻之許村先塋口知其許之之由且有榮耀焉中統五年三月十一日伯善乃啟祖父之墓負其骨東來至元七年閏十月二十四日與祖母合葬於益都縣之馬關村禮也銘曰 下邑祖父歿於故鄉父遷青社祖母乃亡欲歸不得孝心慘傷日往月來新城舊荒父子仕進大朝泰康達權行義

### 卷三

### 蓋都金石記

順理變常取彼就此合葬吉祥刻之於碑行事昭彰本族二叔誠告之詳孝道終矣兩地有光 勅授奉訓大夫寧國府路總管府判官孫男李伯善立石 作頭單正石匠曹口

右碑在城北三十五里馬關村東南高五尺有五寸寬二尺有六寸額篆李氏遷祖之碑字徑三寸碑正書做顏平原結構老成字徑一寸凡二十行文筆頗清暢其不事矯飾處正後進之不易企及也碑固完好惜其下陷入跌寸餘不無一二難見之字按下邑屬歸德府卽唐之睢陽志稱壤地平坦數有河患是以文中有望高樹梢如天面堆雲之語也元制各處行省置儒學提舉司一員統諸路府州縣學校考校呈





立碑銘文乎幾何願聞其說予避席俛首而言曰僕也不才焉敢作乎雲巖曰長鯨必江海所容慎勿辭予不得已而述曰西天白樹互古藤芳東土青蓮廣今而發歲次己卯月維癸亥封襟投刺求作新文衣褐丐口新陳舊事壬辰屆於莫第癸巳宅於范庄口胸山垵子之人姓梁氏義山之諱剪蒿塞於餘地伐荆充於空田爲檀那祈福之場作衲子栖神之地身貧匪懈誠富惟勤是以修佛宇葺僧堂蓋神祠興厨舍堞佛金碧馳譽丹青雲捲霞舒莫同其彩冰清玉潔難口其光基連萬頃之良田限際九原之佳藪左側飛流奔巨海石縣大路走皇都力口圓蓋之輪氣轉方輿口口口口星之手辯朝風詠月之辭

益都金石記

卷三

愠兮鬼哭神號激卽河翻海沸其先也禮河山通公具戒其後也參普照廣公嗣法由是了喜口口口口域達安危口亂之鄉心閑爭造化之權意豁脫陰陽之口氣口集而出乎其類道淵口而拔乎其萃門弟雁行俗徒鱗集獵乎德而弋乎道宅乎仁而遊乎義口我口塵推拜別予擁篲掃門除胷中之鄙口決大事于平生地口二公之施院終一主之成紀一時之勝事口百代之宏規予之所敘其意云何雲巖老人喟然而嘆曰願錄其言刻于珉石付諸不朽焉以爲河山寺記又繫之以銘曰

甲第一區 聳入雲衢 磨空轉月 挾入畫圖 鼎初壬辰

雲巖老人 皇基永固 萬古長春

大元至元十六年歲次己卯九月十一日都助緣檢工楚修住持宣祕大師雲巖長老 勅授益都縣尉徐恩 勅授將仕佐郎益都縣主簿李楫 勅授口湖校尉益都縣尹兼管諸軍與魯傅安 勅授進義校尉益都縣達魯花赤兼管諸軍與魯忙兀魯海牙

右碑在城東北四十里范疇莊河山寺高六尺一寸寬三尺字徑一寸正書前後書銜差小書法不劣文出於荒俗之手內書銜頗闕邑之掌故篆額書人名之前尤金石之變劍寺亦殘廢極矣寺旁有塔字多漫滅亦雲巖師弟等藏骨處

元雲門山不忽木等題名

益都金石記

卷三

前不計其 所缺行數 樞府斷事官東安孫<sub>下</sub> 益都路同知奧屯茂府<sub>下</sub> 原張德温經歷住傳<sub>下</sub> 至元丙戌中元日同來 大元人不忽木題

右題名在雲門山陰洞東三十步許壁生北向甚殘缺字徑四寸正書書法豪宕按元史列傳不忽木先世康里人幼侍世祖受學於許衡衡謂有公輔之器爲國子學生時世祖欲觀國子所書字不忽木年十六獨書貞觀政要以進帝嘉歎之公殆當時能書者至元十五年出爲燕南河北道十九年陞提刑二十二年擢吏部尙書二十三年丙戌改工部尋遷刑部不言其何以至益都者史闕文也